

景校自訂年譜
甘鵬雲題籤

景牧自訂年譜

有清同治四年十一月七日先母陳太夫人生變於榆次縣署時先大夫任榆次命名

承榮

先大夫諱師 字雨生號子選由附監生舉道光京兆甲辰恩科咸豐癸丑大挑

以知縣分山西署靈石其民立碑頌德以隣亶警行省委赴垣曲風門口設險得

獎補臨汾丁先祖南平公憂諱國俊由福建鹽大使爲南平縣知縣見金陵補傳

同治初服闋補榆次時捻擾中原回起關隴集餉供軍榆邑捐輒冠各邑洎丁卯

戊辰閒張總愚自河潛渡烽火逼近畿左文襄諸軍東援榆當衝供資糧備車馬

無愆暑刻先大夫顧軍需重所以勤恤其民者備至癸酉丁先祖妣袁太夫人憂

光緒初服闋復補榆次以瓜貢累民上之曾忠襄入告報可旋以九載完賦勞進

秩直隸州知州待闕隣邑太谷南席民與榆德音民爭渠大府頗右之先大夫爲

榆民力爭忤長官弗恤也癸移署廣靈甲申十二月朔卒于任性孝謹以讀書植



品訓後進所治士子有一行一藝之長者優禮弗倦變生已晚政績行誼多不及
見謹錄所知者俟達人君子之褒揚焉

同治七年四歲時西捻張總愚自陝西偷渡山西吉州黃河陷鄉甯等城取曲沃隘口
路南走絳垣曲東竄豫直左文襄督西征諸軍東勦榆邑兵差甚繁縣東北十里王
湖驛西南至徐溝同戈駟七十里腰站一永康東北至壽陽太安驛七十里腰站一
什貼

同治八年五歲隨任榆次榆邑有洞渦大小涂源渦諸水頗饒水利源渦水出水神祠
下土人引爲渠植紅稻稻花開時菡萏有餘香風景頗好變時從先大夫游得覽觀
榆風管四百餘村幅員甲于隣縣凡以鎮名者十有四源渦其一以鎮統村多者至
七八十村一鎮之治公舉生監釐之名曰公正

同治九年六歲偕鏡之胞兄今名廷錫從子揚族叔認字名壽昌官山西和順縣典史
同治十年七歲從臨汾庚午孝廉曹菊農師榮受讀後成丙子進士改名榕歷官戶部

至山東登州府知府

同治十一年八歲隨任榆次

同治十二年九歲先祖母袁太恭人隨園先生孫女河內大令名通之女子六月卽世

先大夫奉諱回省城寓西肖牆是年除夕先大夫出示自姑蘇遷金陵始祖以次八

代宗影今錄諱氏如左始祖考吳公程成化戊子舉人已丑進士江甯府志吳程官

刑部郎中妣孺人趙氏二代祖考庠生吳公濱妣孺人沈氏三代祖考庠生吳公亮

妣孺人張氏井氏四代祖考吳公鉞妣孺人李氏五代祖考廩貢吳公麟妣孺人周

氏六代祖考后山吳公文詔妣孺人徐氏七代祖考明威將軍待贈鎮國將軍振華

公承恩妣恭人錢氏八代祖考康熙庚子舉人庚戌進士封明威將軍加三級待贈

鎮國將軍讓里公諱伯按志吳伯順治十七年武舉康熙九年武進士字大宗號讓

里授陝西固原衛守備固原邊陲要地軍民雜處伯撫御有方催科不擾部下愛戴

擢甯夏屯田都司未赴卒生平博綜羣書富有篇什所著有坐花諸集先大夫言八

代祖讓里公生九代祖天問公塋在雨花台癸丑兵燹後不可尋考志言公仲子天吾出嗣族叔進士堯爲子由歲貢歷任南陽郡丞有聲按河南通志南陽府同知吳天吾陝西人歲貢康熙五十五年任是已移籍陝西清初武職例可於所官之地注籍以此證之吾族當有一枝爲固原人按八代宗影自始祖以下至讓里公皆錄直系不及旁支是有無昆弟皆不可知又天問公下先大夫言尙有一代乃及兆綱公太高祖今又不可考將來撰次族譜似當託始北綱公

按國子監成化己丑進士題名碑二甲二十七名吳瑄直隸蘇州府吳江縣人順天府大興縣匠籍每聞宗人言自蘇州遷江寧此其證也又道光甲辰同年錄兆綱公生子三長椿年公次棟年公三松年公椿年公生子二長蘭園公諱自求廣東陽江縣知縣今檢嘉慶庚午春季掇紳四會縣知縣吳自求十年十一月選拔貢江蘇江寧縣人蓋由四會調陽江四會中缺陽江要缺也次自修

道光甲辰同年錄蘭園公生子二長伯英公諱國俊福建南平縣知縣今檢道光甲

辰摺紳福建江陰場鹽大使吳國俊伯英議叙二十三年四月調江蘇江寧人至咸豐己未仍見庚申摺紳福建南平縣知縣吳國俊九年九月陞餘與道光甲辰摺紳同又道光辛丑夏季摺紳福建漳浦南場大使吳國 監生二十年七月補是由漳浦南場調江陰 書江蘇上元人自甲辰以後皆書江寧人

同治十三年十歲從表兄南康盧作舟大令受讀名濟恩官山西知縣是年始肄習左氏春秋

光緒元年十一歲先大夫命號向之授與鏡之兄閱四庫全書提要令知讀書門徑始閱通鑑綱目

光緒二年十二歲先大夫告以宜講掌故又閱皇朝經世文編聖武記東華錄諸書是年先大夫服滿循例赴都驗放仍回山西待闕山西巡撫鮑華曇侍郎源深病去曾忠襄代之

光緒三年十三歲閱汲古閣本後漢書三國志以後遍閱諸史是年山西大旱人相食

先大夫復補榆次

光緒四年十四歲先大夫六月之榆次任隨侍從介休王敬之懋修司鐸爲制藝試帖
光緒五年十五歲以洋務日亟閱海國圖志等書先大夫爲捐監命名廷燮號次藥尋
仍令用舊號

光緒六年十六歲從介休茹雨田祁霖孝廉學是年曾忠襄督師山海關葆芝岑方伯
享護晉撫十一月劾去松峻峯漕帥椿以按察護十二月衛靜瀾榮光撫蒞任

光緒七年十七歲始同胞兄學爲春秋列卿年表是年十二月靜帥移江蘇張文襄自
閣學代之

光緒八年十八歲同胞兄應順天鄉試未薦先大夫調簾留省未回任是年就婚於陵
川外舅鳳陽柳公穎生名增慧爲設館於邑紳武氏宅

光緒九年十九歲移寓太原省城西化門是秋先大夫調署廣靈十月隨侍任所

光緒十年二十歲先大夫調省未卸棄養於廣靈縣署十二月扶櫬侍陳太夫人回省

仍寓西化門是夏張文襄召赴京奎樂峯都護斌自布政署撫

光緒十一年二十一歲鏡之兄送先大夫靈柩回籍安葬焦村祖塋始爲駢文撰越南不可棄籌戰諸論爲宗叔立生大令名達所稱賞天門熊勉旃太守承祖長沙毛小谷別駕世黼均爲延譽熊時侍父執鏡之觀察在并垣雲南李叔銘別駕則謂中國不可與外邦用兵否則甚危立生宗叔亦謂胡文忠諸公均主對外用撫以無滅外國之理無論強弱得失終必出於欵也

光緒十二年二十二歲孝感高星墀大令於學署立社課文變與三兄及山陽水桐軒寶煜江甯徐仲珊杰會稽章仲選之傑諸君同入社是年十二月八日柳夫人卒生男不育撰春秋列國論一卷翼城高主政昌祚時主講晉陽書院品隲制藝多獎語光緒十三年二十三歲輯光緒建元以來奏議是年續娶會稽章氏仲選之姊爲春秋周晉楚齊秦宋魯衛鄭吳十國論陳藻丞大令鳳墀以癸未進士發山西後補聞喜頗賞之

光緒十四年二十四歲應順天鄉試出房師柏雲卿錦林太史房挑膽錄送方略館輯
宋齊梁陳方鎮年表各一卷按宋李仁甫燾有江左方鎮年表今不可見變據沈蕭
諸書補之宋方鎮爲州二十曰揚南徐徐南兗兗南豫豫江青冀司荆郢湘雍梁南
秦益甯廣交越東揚凡二十三州青冀梁南秦常除一人實二十一州齊廢東揚而
增巴州兩書以紀代表刺史除罷薨卒之類多見本紀間有缺者以志傳補邊州或
略梁陳兩書體例又異天監以後置州過多除罷之類紀不備載今表大州梁方鎮
爲州十九曰揚東揚南徐南兗江荆郢湘雍益梁南秦廣豫司徐兗青冀他如交甯
斷續太甚別輯題名不能爲表陳方鎮爲州十曰揚東揚南徐南豫江郢湘衡荆廣
南兗諸鎮甫復而陷交越之類斷續亦多梁陳兩表自紀傳外南北兩史魏隋諸書
互爲證覈碑官雜史亦復不遺間採碑版惜不備也至乙亥春東海總統及宜興陳
漱六先生藝武進陶蘭泉先生湘諸人集貲印漢季至五季年表丙子夏慈谿陳理
卿先生廷緒萊卿先生廷紱同年杭縣葉揆初先生景葵又爲集千元印宋以後年

表廷變無力而諸人伙助爲付剗劖甚可感今未印者多印入廿五史補編

光緒十五年二十五歲應順天鄉試胞兄中式始輯晉方鎮年表

光緒十六年二十六歲仍輯奏議仿顧氏方輿紀要爲補新疆紀要序又撰歸化七廳

志商例

光緒十七年二十七歲應順天鄉試未薦始輯唐方鎮年表仍按十道爲前後次序在關內道者曰鳳翔邠寧涇原鄜坊夏綏靈武振武靈武亦曰朔方按唐西境本至安西北庭後更安西曰鎮西統龜茲焉耆于闐疏勒四鎮自乾元以後安西四鎮入衛之軍不還本土馬璘以四鎮北庭之軍鎮涇州于是涇原節度遂帶四鎮北庭行軍之名迄于五代

光緒十八年二十八歲續輯唐方鎮年表撰新疆方輿紀要序論唐方鎮在河南道者

曰宣武義成忠武天平泰寧初曰堯海感化初曰武寧平盧初在營州乾元以後移

青州河陽陝虢在河東道者曰河東河中昭義在河北道者曰義武義昌初名橫海

盧龍

即幽州成德魏博在山南曰山南東道山南西道興元山南西道節度管內觀

察處置節等使餘同此荆南在隴右道者曰歸義治沙州天雄治秦州在淮南道者

仍曰淮南治揚州

光緒十九年二十九歲應順天鄉試未薦館蒙古拜曰特制軍錫清弼宅授其子斌孟

博循讀十月八日男光瀏生其面有數瘤名之曰留是年輯北宋經撫年表二卷始

輯者自建隆印行者止首慶曆唐方鎮在江南道者曰浙江西道治潤州亦曰鎮海

軍節度浙江東道治越州宣歙治宣州江西治洪州福建治福州鄂岳亦曰武昌軍

治鄂州湖南治潭州黔中治黔州在劍南道者曰劍南西川成都尹劍南東川治梓

州在嶺南道者曰嶺南東道治廣州嶺南西道治邕州容管治容州桂管治桂州安

南治安南都護府

光緒二十年三十歲應順天鄉試中式四十名出房師張翼辰星吉觀察房坐師爲徐

頌閣協揆郝薛雲階尙書允升長季超侍郎萃楊蓉甫副憲頤卷分季超師手今北

宋經撫年表重印太祖一朝仍曰方鎮慶歷以後分二十八帥如前

光緒二十一年三十一歲平定回苗方略告成由謄錄議叙通判分省仍指山西九月十六引見冬間到省入清源局學習護撫貪梧岡方伯鳳林延充書啟是年天門胡蘄生侍郎授晉撫

光緒二十二年三十二歲五月女媛生天門檄充撫院文案專編輯金石文字是年輯南宋制撫年表二卷是年六月貪方伯改直隸山陰俞廣軒師自湘臬代之

光緒二十三年三十三歲輯山右石刻叢編成書四十卷始元魏正光迄元至正主持其事者華陽胡硯孫方伯延時任平遙知縣同爲考證者鏡之兄及鄉寧楊小湄明經皆幕院署者是年男琳生小湄楊秋湄大令篤之子

光緒二十四年三十四歲輯歷代封爵考春秋晉地考女璜生是春廣軒師移藩湖南何象山方伯樞接任

光緒二十五年三十五歲署太原府理事通判輯明督撫年表是秋調署河東監掣同

知天門另簡何象山方伯樞護是夏琳殤章夫人得疾卒陳太夫人命續娶元配柳夫人之妹

光緒二十六年三十六歲毓佐臣侍郎撫晉拳禍起變稟商河東道涇縣吳贊臣中丞力爲鎮懾是年蒲解十屬無教案者吳中丞之力也九月兩宮西巡道安邑至潼關錫制軍代毓撫晉輯光緒奏議三編

光緒二十七年三十七歲調署太原府同知仍充院文案二月錫制軍另簡西林岑雲階宮保師代之檄充前差德軍入固關晉邊大擾尋退去是冬委署潞安府大義鎮同知西林迎駕正定變隨行蒙保補缺後以知府用草墾伊烏二盟蒙地諸奏尋補甯遠通判是年正月女瑾生是年三月草續議鹽斤加價減半征收摺四月草墾開蒙地屯墾摺五月草請免辦陝省潞鹽加價摺七月草整頓河東鹽務摺九月草請將藩運兩庫董餉撥充賠欸摺十一月草前保見危赴急各員無可核減摺請派大員督辦蒙墾摺請察哈爾蒙地招墾升科摺十二月草請振興中國農工商業摺

光緒二十八年三十八歲以捐案賑案出力蒙西林保道員二品銜捐兩代二品封典
是秋西林赴廣東調任鐵嶺趙次珊尙書師護巡撫檄署太原府知府仍充院差草
保劉光才軍守平定諸奏是年正月草整頓山西釐稅片邊廳事繁責重酌擬俸滿
保獎章程摺改歸綏道爲滿漢兼用片五月草擬將晉省教案賠款另立學堂歸併
大學堂摺七月草請獎山西辦賑出力人員摺九月草督辦墾務大臣月支公費片
十月草擬分設豐鎮二道河歸化大灘薩拉齊大奈太甯遠科布爾四廳治摺十一
月草請變通軍流徒罪各摺十二月草展緩晉省癸卯科鄉試摺

光緒二十九年三十九歲鐵嶺擢湘撫涇縣護晉撫四月卸府歸道班南皮張筱帆侍
郎曾敷抵任迭蒙署兩江張文襄師四川西林宮保師湖南俞廉軒師暨鐵嶺師先
後保經濟特科草武備學堂諸奏是年正月草籌辦晉省巡警情形摺整頓晉省鄉
社辦法摺大意謂州縣之廣鄉社所積就百姓親附之人辦地方興革之務予議叙
籌公費重推舉嚴別擇鄉社得人則富庶可期侮訐不作又草陳鄉官多者治化愈

優片四月草請將武備學生量用文職摺遴員委署興和五原武川陶林四廳移治同通並陳明應辦事宜摺晉省釐稅著效請優獎出力人員摺

光緒三十年四十歲鐵嶺內召七月政務處電調燮入京留政務處署幫總辦館鐵嶺宅是冬兼充練兵處差是年二月草晉省添募續備軍各旗成軍摺時東海總統在練兵處爲延譽自是累受獎拔

光緒三十一年四十一歲陳太夫人七秩燮回晉祝壽尋政垣奏補前差迎養入京始輯乾隆嘉慶紀年錄共十八卷是年設巡警部調充部差尋補警政司郎中乾隆紀年錄之輯爲補王氏東華錄之闕凡內而御前大臣領侍衛內大臣內大臣八旗都統副都統護軍前鋒步軍諸統領通政使副參議大理寺太常太僕鴻臚諸寺卿少國子監祭酒司業順天奉天兩府尹丞內閣侍讀學士翰詹科道外而學政各道各將軍都統副都統參贊辦事領隊各大臣各省提鎮王氏東華錄未載者皆補入之光緒三十二年四十二歲正月男光藩生令與胞兄爲子待嫂氏生男九月補巡警部

右參議尋改名民政部輯光緒奏議四編今胞兄已有二子曰光禮曰光涇潘兒歸宗
光緒三十三年四十三歲東三省總督檄纂奉天通志陸軍部派一等諮議官三月男
光潤生八月丁陳太夫人憂開缺旋充憲政編查館差奏令輯光緒政要寓直官報
局十月三兄送靈回籍安葬

光緒三十四年四十四歲仍輯光緒政要世伯軒相國袁項城命輯攝政典制草議覆
增改吉林郡縣諸奏

宣統元年四十五歲服闋仍充前差奉天志之沿革表職官表大事志郡邑志初稿均
成草增黑龍江郡縣諸奏

宣統二年四十六歲度支部派參議上行走鎮海陳瑤圃侍郎言之澤公是年學部設
圖書館移內閣皮藏諸書存之有明諸帝實錄燹時往寫錄補入明督撫年表是年
長子光瀏婚同邑蕭和丞大令之女

宣統三年四十七歲補內閣法制院參議署副使尋兼任弼德院參議輯道咸同三朝

紀年錄初稿成共十八卷鄂事起上疏援青麤何桂清故事請誅某督不報項城有意更國體變同天津華閣丞弼臣世奎言不宜輕議

民國元年四十八歲諸職皆解項城留充府秘書草取銷秦州伊犁獨立及經營庫倫川邊諸文電稿補輯元魏方鎮年表二卷明宣德別錄十卷十二月媛女適項城袁伯森克棠文誠公之從孫奉天志停輯璜女適鎮海陳理卿都轉廷緒之子仁愷

民國二年四十九歲輯東魏北齊方鎮年表各一卷明宣德別錄十卷清財政考畧一卷草邊事諸文電是年五月女瑛生

民國三年五十歲政事堂設補主計局長兼草財政諸文電輯西魏方鎮年表明正統別錄清史館開鐵嶺師延充總纂是年五月五日繼配柳夫人卒于產難駢生二男皆不育項城令抱存爲媒續娶歷城中氏時先已納山西臨縣高氏爲側室命撫育光潤俟成立子之

民國四年五十一歲輯北周方鎮年表一卷元行省丞相平章政事年表二卷清史疆